



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Libertatibvs Ecclesiæ Gallicanæ

Charlas, Antoine

Leodii, 1684

Cap. XII. De jure Summi Pontificis circa Beneficia.

urn:nbn:de:hbz:466:1-38227

13. Martinum IV. natione Gallum Philippo III. Francorum Regi Decimas ad triennium concessisse , ut bellum gereret contra Petrum Aragoniæ Regem , Siciliæ invasorem , testantur ejus litteræ ad Joannem Legatum datæ , ut Præfules ad solvendas Decimas cogeret , & citatæ ab Oderico Raynaldo ad an. 1283. num. 35. nec dubitavit pius ille Pontifex , ut ostendunt litteræ ab eodem Historico citatæ ibid. n. 41. exætas à Cleto pro instaurandis Syriæ rebus Decimas, olim decretas in Concilio Lugdunensi , ad defendendam Siciliam derivare. Narrat idem Scriptor , & citatis ejusdem Pontificis libris probat num. 10. ipsum non solum à Gallis , sed ab aliis quoque Præfulibus opes in id conferri voluisse. Siculos similiter , tum Provinciæ , atque Arelatensis Archiepiscopatus Præfules Decimas Regi Carolo , ut hostem Regno ejiceret , solvere ; atque ad id à Legato adigi præcepisse. Hæc autem ab eo perperam gesta non fuisse suadent virtutes & miracula , quibus claruisse fertur apud historicos. Honorius ejus successor , quas ille Decimas Philippo III. jam pro Aragonia armis comparanda attribuerat , Philippo IV. ad quadriennium permisit , ut narrat Raynaldus ad an. 1286. num. 28. sed de his haec tenus , quæ in proxim redigere , utinam nunquam opus sit.

C A P U T X I I .

De jure summi Pontificis circa Beneficia.

1. **N**ullâ in re laudabilior foret Gallorum pro defensione libertatum Ecclesiæ Gallicanæ zelus , quam si antiquorum Canonum observantiam , circa Beneficiorum dispositionem sartam testam servarent , nec Summum Pontificem cogerent suâ supra Concilia , & eorum Canones , autoritate uti.

2. Restiterunt quidem Galli dispensationi super regula , quæ regularia Beneficia regularibus personis conferri præcipit , quando summi Pontifices beneficia Galliæ Italique , aut alterius Nationis viris , de Ecclesia benemeritis distribuebant. At ubi ex Caroli VII. Francorum Regis Edicto anno 1431. dato

dato non nisi indigenis (intellige sine Regis licentia) ca
largiri licuit, Commandarum usus in favorem sacerdotium
ad eo invaluit, ut quamvis antiqua Canonica disciplina Con-
cordatis confirmata fuerit tit. de Regia ad Praelaturas nomi-
natione facienda §. volumus, Philippus Probus in addit. ad
gloss. Pragmat. Sanction. tit. de collat. §. cui rei num. 17.
in hunc modum conqueratur; Hodiè tamen si contrarium, ad eo quod
in Gallia vix posset reperiri decimus Abbatum numerus professionis Regularis.
Unde non immorito videmus omnes penè Domos Regulares ad nihilum in vita,
& moribus prout & rebus reduci, & caducitatem amplecti, Monachosq; Men-
dicantium Ordinum fieri, & extra septa Monastica potius eos languescere,
quam vivere. QVÆ SIT HORVM OCCASIO, VEL CAVSA, DI-
CITVR EX EO QVOD COMMENDATARIIS APERTA EST SV-
PERIORVM PORTA, QVIBVS HIS, ET ALIIS DE CAVSIS
POTERIT CLAVDI JANVA COELI. Qui abusus ex eo tempo-
re magis, ac magis excrevit.

3. Eaque fuit una ex causis cur Concilium Tridentinum
à Curia Franciæ non fuerit receptum. Primam enim recusa-
tionis rationem eam attulerunt Regina, & Magnus Cancel-
larius Nuncio, Concilii receptionem urgenti. „Quod Con-
cilium Tridentinum vetaret Beneficia regularia in Commen-
dam tradere, cùm Rex hujusmodi Commendis multos Pri-
mates viros sibi devinciret, quorum auxilio difficillimis
illis temporibus indigebat. Pallavicinus histor. Concil.
Trid. lib. 24. cap. 11. num. 4.

4. Ad eo non servantur in Gallia Canon 15. Synodi Ni-
canæ, 21. Antiochenæ, & 5. Chalcedonenfis, ut in nulla
Christiani Orbis parte frequentius violentur, cùm innu-
meræ fiant Episcoporum translationes. Unde plurimorum
in illa Ecclesia malorum seminarij existit. Non enim tan-
to affectu Ecclesiæ, quam quis semel gubernandam suscepit,
adhæret: non tam sedulò invigilat; non tam facilè per-
mansura opera aggreditur: libentiū in Aulæ studia, quām
in tuenda Ecclesiæ suæ jura propendet, qui Aulæ beneficio
ad pinguiorem se concendere posse confidit: Hoc ut as-
sequatur non solum Magnatibus blanditur, sed obsequitur,
etiam cum Ecclesiastici juris, & libertatis jaeturâ: Ambitio-
ne tenetur: Hinc avaritiâ, illinc prodigalitate peccat: Ac

Z z de-

362 TRACTATVS DE LIBERTATIBVS,
demum futuri, non animarum, sed honoris, & divitiarum
Iucrī expectatio ita tempus, & cogitationem abripit, ut
obeyndis suscepiti regiminis officiis nihil reliquum sit; Et pro-
prium gregem non perpetui Pastoris animo curet, sed tem-
poranci mercenarii more exugere festinet.

5. Quot excidissent in Gallia è proprio gradu tūm Episco-
pi tum inferioris Ordinis Clerici, si Beneficiorum plurali-
tas cā pœnā multaretur, quam indixit Canon 10. Concilii
Chalcedonensis. Quæ regula si valeret, & vigeret, non tan-
ta plerosque ambitio, vel avaritia infleteret ad Aulicorum
officia, aliorumque, quorum ope Beneficia Beneficiis ac-
cumulaturos se esse sperent. Non tantus esset Ecclesiastica-
rum rationum neglectus.

6. Præcipua Ecclesiæ Gallicanæ libertatum pars olim in eo
posita est, ne Romanus Pontifex Beneficiorum dispositio-
nem sibi assumeret. Verū tum cū de illa dispositione Gal-
li acerbiūs conquerebantur, Concilium ipsum Basileense jus
illud summi Pontificis agnovit, ei aliquorum Beneficiorum
dispositionem reservans fess. 31. Decreto de collatione Be-
neficiorum, ubi sic legitur; Non tamen intendit prohibere hæc sancta
Synodus hoc præsenti Decreto, quo minus futuri Romani Pontifices tempore Po-
nificantur sui modo honesto, & convenienti, de uno Beneficio ad collationem,
in qua fuerint decem Beneficia, & de duabus, ubi fuerint quinquaginta, &
ultra disponant..... NEQVE ETIAM COLLATIONES PER PRÆ-
VENTIONEM FIENDAS INTENDIT IMPEDIRE.

7. Quin etiam Universitas studii Parisiensis, quæ tantope-
rè Curiam Romanam à conferendis Beneficiis arcere conten-
debat; tamen Romani Pontificis circa illa potestatem sep-
imploavit, nedum agnovit. Hic unus erat ex articulis Mat-
tino V. Eugenii Decessori porrectis; Item cū nonnulli Delictis,
& Magistri infra scripti à Sanctitate vestra gratias expectativas obtinuerint in pri-
mo & principali Rotulo dictæ Universitatis per Sanctitatem vestram sub data

4. Kalendas Februarii Anno primo signato, quibus vigore eamundem gratiarum
de Beneficiis Ecclesiasticis minimè provisum exitit, dignetur Sanctitas vestra
EISDEM CONCEDERE, quod dictis gratiis uti, & gaudere valeant und
cam gratiis in præsenti Rotulo per sanctitatem vestram ut speramus, faciendis
suis tamen per integram articulis superiorius expressis. Cui articulo Papa
respondit; FIAT PRO OMNIBVS, ET QVIBVS NON EST
PRO

PROVISVM Datum Romæ anno 1424. 25. Maij , Pontificatus prefati Domini nostri Papa (Martini V.) anno septimo. Refertur in historia Universitatis Parisiensis tom. 5. circa prædictum annum 1424. Extant alia multa exempla similia apud cundem Autorem.

8. Verùm cùm Concordata inter Leonem X. Papam , & Franciscum I. Franciæ Regem inita, ususque subsecutus contentionibus hac de re nasci solitis impoluisse finem videantur, non est diutius immorandum, sed expestandum , donec Deus eos , quibus Beneficiorum provisio incumbit , ad revocandam omni ex parte antiquam Canonicam disciplinam circa rectam illorum dispositionem moveat.

9. Si omnes Collatores , aut Patroni præ oculis semper haberent , quām stricta sit obligatio ea dignioribus confendi , non autem indignis , vel etiam minus dignis propinquis , aut à quibus aliquod receptum est , vel recipiendum speratur officium , quamque terrible futurum sit supremi Patris familias judicium adversus eos , qui in constituendis in ejus Domo Ministris & Officialibus , propria commoda , privatosque affectus magis attenderint , quām ipsius gloriani , & cultus decorem , aut animarum salutem certè magis metuerent , ne non satis dignos , aptosque servos Domino suo eligerent , quām gloriarentur de jure illo , aut illud indebet sibi vendicare contenderent.

10. Cæterū nō est cur Galli Doctores Italicos accusent , quasi nimium extulerint Romani Pontificis circa dispensationem Beneficiorum potestatem , cùm Doctores Galliæ non minus latè illam explicuerint. Petrus Rebuffus in Concordatis tit. de Mandatis Apostol. §. Et ut obvietur verb. gravare , scripsit. Papā jure preventionis OMNIA IVRA POTEST CONFERRE , cum TOTVS MVNDVS sit Diœcesis Pape cap. Cuncta per Mundum. Et cap. Per principalem 9. quest. 3. Unde non est mirum si in sua Diœcesi , & sic per TOTVM MVNDVM conferre possit.